

肥鄉縣志卷十六

武備

同仇敵愾兵貴寓之於農有勇知方民需教之以戰修內政寄軍令效收軌里連鄉除戎器備不虞利擅干戈揚威欲殺敵而致果必因時以制宜鬪仗心兵律同文陣出入相友守望相助八千練子弟之兵備乃弓矢礪乃戈矛十萬鑄橫磨之劍陣非背水戰欲驅夫市人志可成城槌能撻夫堅甲艱思圖易共濟者相與和衷安不忘危有備者庶幾無患志武備

團練告示

團練之法始於明臣盧象升因明季流寇縱橫望風奔潰令民自謀生聚各衛身家又因湖北襟帶江山足資控禦先於荆楚奏請舉行嘉慶年間川楚教匪蔓延三省撲滅維艱各省大吏亦曾奏行團練明定章程三省之民得有子遺者咸資其力鄉團漸密賊勢遂衰此團練明效大驗也肥鄉今歲三次被兵必有不軌之徒與山東教匪暗相勾結內應不能先斷外患難以預防今以團練之新條參以保甲之舊制無事則比閭族黨有守望相助之資有事則軌里連鄉得內政軍令之意每村十家設團長一人五十家設總團長一人一百家設正副團長二人無論紳民惟期公正綱宜總挈事貫分司一切差徭詞訟錢糧

肥鄉縣志

卷十六 武備

由地方經營不必與聞惟盜竊防範姦細稽查是其專責盜竊自外來以三條防範之乘機搶奪者格殺無論形迹可疑者送官究辦來路不明者不許容留姦細自內起以三條稽查之私習邪教者報明正法窩藏盜賊報明治罪不安本分者報明重責內應之根株既斷外患之線索自清但村民愚懦性成恐招衆怨而不敢言畏有後患而不肯辦私衷輾轉諸事遷延今立團長專司其事有官作主有犯必懲宵小之劣迹潛消報復之私仇何慮復設三條以約束之通同作弊者一體治罪代爲容隱者重加懲責失於覺察者嚴加申飭奉行惟期實力簡明惟期便民此團練之行於平日者也賊踪之出沒無定賊馬之飄忽無常肥鄉曠野平原無險可扼不築堡寨難禦奔衝合屬村庄以堡寨名者甚多古人曾設以自防後人遂因之不革茲仿其意略爲變通四鄉集鎮及人煙稠密之村宜仿照挑挖城濠之例按畝出錢各開戰濠以限戎馬卽以其土築牛馬墻以高可蔽人爲度則守禦有險可憑附近村民亦宜量力出資共相修築一有警報眷屬輜重分送堡中地既近則情誼必親面既識則姦細易辨各團長務宜妥爲安置細爲稽查以堅壁清野之謀作亡羊補牢之計守既足恃戰可徐圖賊之來無定踪猝不及防被禍最慘鄰封有警遣人探聽情形不待其來早爲防備昔北魏李崇之爲也各村置鼓一遇警報奮力擊之頃刻聲聞百里咸得授兵抵禦盜賊不敢公行今茲各村或撞鐘或敲鑼或擊鼓使之聲聲相應一村如此各村皆然庶幾先爲防範矣賊之來舉火爲號令民驚遁得肆搶掠之謀其實所燒者柴草耳放火者不過一

二人耳撲滅其火拏獲其人村民衆多綽有餘力矣何必預爲逃避乎賊之來邊馬先至謂之探馬頭一以探兵之有無一以探路之險易村民驚懼往往一二邊馬到村合村遠避無可如何此不過虛聲恐嚇耳其實無能爲也竭力以擒之甘言以誘之暗從而殺之邊馬不返則不知虛實不敢冒昧進兵矣賊之來大隊在後止可智取不可力爭令民造飯暗藏毒葯於飯菜之中令民喂馬暗藏毒葯於草料之中葯毒既發人馬咸斃此秦人毒涇上流之法也賊之來恃馬隊堡外各挖陷坑浮土掩之馳驟之餘馬必顛躓堡外通衢大路暗埋鐵蒺藜馬蹄被刺不敢前行牛馬牆上安放火鎗臨近濠邊開鎗擊之馬必驚潰矣村民素不知兵又不習學拳棒遽驅之戰無步伍必亂見鎗炮必驚勢之難行者也唐李抱眞之帥昭義也令民時時習射以考課而督帥之故昭義之兵弓弩爲天下之冠邢洺磁澤潞五州唐昭義之地也肥鄉地屬洺州訓練宜遵古制務宜演習器械施放鳥鎗日久則技精力足則胆壯賊退則足以禦侮賊來則可以衝鋒衆志成城無過於此此團練行於臨時者也本縣連日下鄉兵火之餘傷心慘目爲此愷切曉諭勢在必行爾紳民如有素習韜鈴素饒智計者亦宜自出己見詳細呈明本縣得廣益集思本地亦有備無患實有厚望焉

操演器械告示

團練之法無器械則赤手空拳無以禦侮不操演則藝疎技拙難與爭鋒考之書備乃弓矢鍛乃戈矛礮

肥鄉縣志

卷十六 武備

乃鋒刃謂之三陣卽今之弓箭長矛短刀也礮字從石左傳叔山冉築石以投人卽礮也並非火器元太祖征西域始得火礮世祖時攻宋襄陽五年不下運礮擊之一礮碎其城樓再礮破其城垣呂文煥由是遂降此大礮之始也明初設神機營張輔平安南曾以之破其象陣成祖親征朔漠亦資之屢奉犁庭掃穴之功此火鎗之始也大礮攻城陷陣直搗中堅最爲利用但沈重難致運用不靈民間操演未易施放抬鎗鳥鎗進步連環聲勢連絡步隊當之則必破馬隊遇之則必驚陷銳催堅故以之爲第一陣然身後無護之者心慌手顫打無準頭兩旁馬隊衝之身不及回火不及發惟棄鎗而遁耳有長矛以救之身後之護衛有兩旁之奔冲可遏此長矛所以爲第二陣也火性上炎打高而不打下烟焰迷漫之際賊持短刀伏地而進忽然突犯抵禦維艱此嘉慶年間東鄉之役總兵何于卿袁廷璜所以爲教匪所敗也有短刀以護之高下無可乘之隙長短有相救之功此短刀所以爲三陣也古者獮狩蒐苗四時田獵皆於農隙以講武爭步伐止齊詳於周書牧誓坐作進退教於周禮夏官此隨時操演之法也爲此曉諭四街居民舖戶擇空閒之地分立四局年力精壯者齊心演習派練勇技藝優嫻者教習而督率之四關附於四街以歸簡易每局須發抬鎗若干杆鳥鎗若干杆長矛短刀自爲備辦鉛丸火藥量力捐輸無口糧之費則經久可期無召募之煩則一呼立至以之守則憑高扼險足保堅城以之戰則敵愾同仇咸成勁旅酌今準古兵寓於農法至良也願共勉之

招撫邪教告示

爲招撫教匪悉令投誠以宥罪愆而安反側事照得邪教之興爲禍最烈以燒香治病爲名以歛錢誨淫爲事以水火刀兵之劫數恐嚇愚蒙以無生老母瓢高老祖之妖言誑惑男婦愚民溺於邪說頓啓狂謀甘受誅夷罔知覺悟曷勝浩嘆乾隆年間王倫反於臨清嘉慶年間齊王氏樊人傑徐添德王三槐冉文籌等反於川楚李文成馮克善反於滑縣大兵一到旋即蕩平家業流離宗嗣滅絕所傳邪術毫無應驗欲逃不得雖悔難追此邪教斷不可習之明驗也今歲山東率冠等縣教匪勾結土捻各匪同時蠢動旗分五色依然齊王氏黃號白號青號藍號之故態也門分八卦依然李文成八卦教主之餘風也本地不法之徒暗相勾引 畿南三府內外交訖經

欽差大臣勝 簡派援軍督率勁旅屢經撲滅痛加殲除十一月間大獲全勝教匪從士欽等俱各乞降擒匪劉占考等亦各就撫十二月初四日

欽差大臣勝 奉

上諭山東各股教匪經勝保迭經剿洗窮蹙乞命呈交軍械匍營門經該大臣簡擇精銳責令隨營自効餘衆悉令歸農著卽妥爲安插前所犯罪過準予免究等因欽此恭錄札飭一體欽遵該降衆十一月二十五日所犯罪惡概予免究以廣

肥鄉縣志

卷十六 武備

三

朝廷寬大之仁爲此曉諭軍民人等有誤習邪教者幸邀寬典宜改前非準其取保投誠既往不咎胡盧營王大中甘心背叛自取誅夷所有妻孥例應連坐經此審

恩赦之後亦準投誠地畝入官者俱各賞還令安生業倘敢邪心不改故態復萌必洗蕩村坊盡行誅戮國法不容再犯

曠恩不可倖邀各宜凜遵勿違特示

長槍操演進退步法

周禮言坐作進退周書言步法止齊甚矣進退步法不可以不講也長槍進退步法以一打一戳爲合式打者分人之槍也戳者進己之槍也己之槍欲進不分人之槍己之槍無由進也欲用一戳先用一打人之槍欲分不進己之槍不能分也故用一打一戳此一定之法也分人之槍隨即進己之槍則人之槍不能抵禦可以制其死命須連進數步以刺之人分己之槍則己之槍不能回必受其傷矣須倒退數步以避之有上槍式中槍式下槍式左槍式右槍式上槍刺馬上之人中槍刺馬之頭目下槍刺馬之胸腿左槍防馬之左衝也右槍防馬之右衝也至於步率接仗槍式莫不皆然欲進上槍式五人齊握槍上刺一打一戳以進之欲用中槍式五人齊平槍直刺一打一戳以進之欲用下槍式五人齊提槍下刺一打一戳以進之欲用左右槍式五人齊斜槍左右分刺一打一戳以進之此進步槍法也人握槍上刺我

用上槍式一打一戳以分之人提槍下刺我用下槍式一打一戳以分之人斜槍左右刺我用左右槍式一打一戳以分之惟平槍直刺勢不能分需屈腿下身則槍尖在上用上槍式一打一戳以分之至於拖槍式尤利於退側身持槍倒退數步人奮力來追挺槍直刺回身撥槍一打一戳分槍即進人來勇猛適與槍湊自成擒矣即回馬槍也此退步槍法也總之進步固進退步亦以退爲進即此數法操演精熟克敵制勝所向無前矣

五花陣

此果勇候楊公陣法也公猶子斐臣從公兩次出師新疆以功保升知縣咸豐癸丑令容城而伯兄海門司鐸于容相得甚勸秋八月粵逆林鳳祥等由河南山西竄擾畿輔容城附近省垣大吏札飭團練斐臣出陣圖訓練士卒伯兄實左右之又同調署高陽亦以此圖操演有法得保無虞同治壬戌肥鄉兵亂伯兄以此圖寄濂以爲不時之需肥鄉練勇坐作進退步伐止齊毫無紀律楊樹屏問計於濂因出陣圖示之樹屏恍然有悟按圖操演不日而成始非無制之師矣肥鄉練勇所以制勝者賴有此耳

演陣圖說

大紅大令旗一面

左翼練總藍尖旂一面
右翼練總白尖旂一面

前隊小紅旂二面

後隊小黑旂二面

左隊小藍旂二面

右隊小白旂二面

中隊小黃旂二面

肥鄉縣志

卷十六 武備

五

每隊鳥鎗手四名

刀矛手六名

應用器具

中鼓一面

執大令旂一人

司鼓一名

銅鑼一面

吹手四名

司梆鑼一名


梆子一個

炮手一名

肥鄉縣志


卷十六 武備 陣圖

六



合操之期一日傳定時辰至操日於取定之時先一個時辰到教場練總查練長練長查壯丁務點清數目各就各隊旂下伺候俟報馬到來練總執旂在前分左右兩翼在場外道旁兩邊整齊排列閱兵官將至先放炮三聲次吹號筒候閱兵官離隊十步練長率壯丁跪迎候閱兵官過去照舊立定聽令

閱兵官入教場口放炮三聲升座放炮三聲執令人稟請高聲發令令旂發下高聲唱請令執令旂立於東邊聽吹喇叭用大令旂往裏一招左右隊魚貫由教場欵段前進至演武廳各隊各往裏轉身



演

武



廳



四十四人



四十四人




肥鄉縣志

卷十六 武備 陣圖

七

左右隊會合卽一字站立每人相離一尺擊鼓三聲刀矛鎗各如式舉起烏鎗上烘葯扣火繩聽喇
 叭吹天鵝聲練長壯丁各吶喊三聲大令旂一壓各旂具壓烏鎗同時放排鎗齊響令旂一搖刀矛
 手往前札砍三步鳴鑼一聲仍退回本隊

廳 武 演



以下五圖以次變去變作五梅花陣





肥 鄉 縣 志

卷十六 武備 陣圖

八

廳 武 演

號令如前說



凡演武廳以向南論左藍旂屬木右白旂屬金前紅旂屬火後黑旂屬水中黃旂屬土至合操時練
總練長眼看大令旂耳聽金鼓壯丁眼看練長本方小旂耳聽金鼓聞鼓則進聞鑼則止凡大令前
招則前隊進後招則後隊進右招則右隊進左招則左隊進中招則中隊進每隊進後立定聞梆子
放鳥槍聞鼓刀矛截聞鑼靜立第一次

肥鄉縣志

卷十六 武備 陣圖

九


第二次

演武廳

令

前隊

後隊




第三次

演

武

廳



肥鄉縣志

卷十六 武備 陣圖


十

第四次

演

武


廳



廳 武 演

方陣

猝遇不虞之險非此陣不能自固




肥鄉縣志

卷十六 武備 陣圖

廳 武 演

第五次




前後左右隊布爲方陣練長壯丁面俱外中隊居中循行四隅三匝聞梆聲各放鳥鎗吶喊立定

肥鄉縣志

卷十六 武備 陣圖

十二

廳 武 演




鳴鑼三聲左右旗門敞開中隊分左右翼出旗次前隊接中隊而行次後隊次左隊次右隊魚貫排列兩翼

肥鄉縣志

卷十六 武備 陣圖

十三

演武廳



教

閱
兵
官

場


練總練長壯丁排列兩翼在教場

外兩旁跪送閱兵官

肥
鄉
縣
志

卷十六 武備 陣圖

十四



寨工

同治二年四月大順廣道祝懃奉

旨 辦理堅壁清野委候補典史潘珍會同署印知縣韓印教諭趙文濂訓導劉楓林勸諭鄉民多築堡寨自衛身家天台山王固遵諭築寨所有濠濠丈尺開工畢工日期及用過錢數詳明

道憲在案十二月十二日

道憲親往天台山驗工六年三月紳士各賞功牌職銜天台山寨

寨牆高一丈七尺寬三丈五尺女牆垛口高五尺連牆共高二丈二尺垛口共一千八十五箇牆外地寬三丈濠寬三丈五尺深一丈八尺濠外路寬一丈周圍長七百三十九丈每丈京錢二十五千共錢一萬八千四百八十七千五百文占地一頃三十五畝五分七厘五毫銀八兩一錢六分七釐五毫飛洒在本村地畝內均攤完納種地三十畝以上者家少有餘但除錢糧不給地價三十畝以下者爲地無多每畝酌給地價十千共地八十一畝包地價錢八百一十千門四座每門用磚十三萬錢九百七十五千灰二十萬斤錢一百六十千木料錢三百五十千鐵器錢一百六十六千五百文石塊錢三十五千匠人工價錢一百七十五千每門共使錢一千八百六十一千五百文鑄大炮四位大白龍炮四位劈山炮八桿抬槍五十桿刀矛竹鎗二百杆共錢二千一百千買火藥錢三百千以上共用錢二萬九千一百五十三

肥鄉縣志

卷十六 武備 寨工

十五

千五百文四月二十日開工九月十五日工畢三年補修寨牆錢五百三十五千四年修外濠及濠邊內外牛馬牆高五尺四門鐵葉鐵釘包裹物工價錢二千二百五十千文五年修濠補牆錢六百五十三千文三次補修共使錢三千四百三十八千文自二年至五年共錢三萬二千五百八十一千五百文

王固寨

寨牆連垛口高二丈三尺寬二丈七尺垛口五百八十箇周圍牆長四百二十丈牆外馬道寬二丈周圍長四百二十丈濠寬二丈七尺深一丈八尺周圍長四百二十八丈每丈京錢二十五千濠外車路寬一丈五尺長一百四十丈濠牆占民地五十六畝四分六毫每畝酌給地價十千糧銀飛洒在本村錢糧均攤完納寨門二座每門用錢一千八百千製抬鎗四十杆每杆用錢十二千開山炮十二杆每杆用錢八十千鐵噴二箇每箇用錢七十五千製旗三十六面用錢五十六千長槍一百杆用錢六十千更房二座用錢五十千以上九次共合京錢一萬六千二百六十千零六十五文五月十五日開工九月二十日工畢三年四年五年隨時修補共用錢三百七十八千兩次共用京錢一萬七千三百八十千零六十五文

開山炮三十五尊牛馬炮二十尊抬鎗六十一杆鐵大炮七尊鳥鎗二十三杆腰刀六十七把雙手帶四把蔡陽刀九把月牙刀一百二十把竹杆長矛二百五十四杆噴筒四十二箇翎箭八十枝火毬三十二

個火箭一百十二枝五色大小旗幟一百四十八面號衣六百零五件九籠袋實存一百零九個紮頭布
實存一百一十六塊紅布千斤帶四條大小鉛丸五百八十七斤大小鐵丸三百八十一顆火繩一千五
百盤鐵沙子一百四十斤鐵火鈎五把麻搭六把皮葯葫蘆一百零九個烘葯葫蘆一百三十七個葯管
子二百二十五個炮車六輛牛腿炮架子十六個布營棚十四架木方燈籠八十四個鐵釘滾木五十五
個腰牌五百五十塊軍裝器械木架五座春秋刀三把銅鑼一面銅號二杆大號鼓一架神鞭五根弩弓
一張烏鎗架子九付火機子十個矛頭二十八個海螺二個雲板四十塊牛皮竹炮八尊鉄鋸七十六把
木鋸四十一把營桌四張火繩架子一個本地鍋三口廣鍋二口雲梯一架並鋸子四個葯箱二十個水罐
十六個麻搭十二個火叉二十二個劈山炮架子三十二個水車二輛水筒四個大炮車四輛大鐵釘十
個大炮木蓋七個

保衛團

民國六年土匪四起警察不能抵禦遂於六區添設保衛團以資守禦每區設團總一名團副四名團兵
十名團總常川駐團團副輪流辦公至八年土匪少肅清遂行取消民國十二年土匪復起於城內設總
團部總團總一名總隊長一名每區設團總二名隊長一名團兵各二十名至民國十四年被國民二軍
將團內鎗枝盡數收去遂取消

肥鄉縣志

卷十六

武備

保衛團

十六

自民國十六年年底城內三大隊解散城鄉紊亂法紀不振大有鄉民不了之局於十七年正月有收支
處主任李蔭桐邀同中區吳振玉發議傳知各區素孚衆望之首領南一區畢成春南二區馮寶珩西區
馬光斗北區龐德乾進城籌商維持秩序辦法就近在西門裏工廠設立六區代表辦公處一所將各區
蓄會紅會天門會關聖會等等會門不分畛域設立分所一處實行民衆選舉名爲某代表某區分團總
任辦各區事宜李蔭桐爲東區總代表劉文謨爲東區分團總馬光斗爲西區總代表張金榜爲西區分
團總畢成春爲南一區總代表劉文選爲南一區分團總馮寶珩爲南二區總代表宋清傑爲南二區分
團總龐德乾爲北區總代表龐化成爲北區分團總吳振玉爲中區總代表張琴爲中區分團總各任事
宜地方少爲安靖由代表等籌畫原有各機關地點將舊日之辦公人員函請進城高等校長張竹堂教
育局長馮寶珩警察所長暫聘蘇桐爲代理按次開辦後商同王縣長及各界職員以地方原有之團款
分算各區按月開支各任職務城鄉秩序漸次恢復四月間奉軍直魯軍退却南軍北下一切應酬皆賴
六區代表維持軍事少息秋初永年縣自會與天門會又起爭執成安臨漳一帶天門會被永年相邀由
城鄉經過逐日三百五百不等其人悍蠻異常槍刀隨身六代表剛柔兼施不分晝夜妥爲安置亦未遭
意外其中種種困難筆難盡述皆六代表之力也後王縣長交卸周縣長受戰地委員會委任爲肥鄉縣
縣知事到差後聘六代表爲縣政府財政監理委員會委員分職辦理縣政府一切事宜將辦公處移至

縣政府舊日之庫房又奉文設立財務局長一員六代表奉委爲財務監察員九月間周任交卸康縣長接事奉文將團局改編名爲肥鄉縣地方保衛團六代表歸團任事將代表名義改爲六區總稽查至十八年某月康縣長交卸張縣長到任至十一月間客軍調去城防一空四鄉匪案層見叠出由各界會議籌畫冬防將團部擴充添設臨時騎兵二隊担任剿匪下道一切事宜由總團指揮縣長奉委兼總團總馬光斗兼總團副吳振玉兼文牘馮寶珩兼會計畢成春兼總隊副龐德乾爲稽查李蔭桐充建設局局長兼總團稽查刻下團部剿匪破案時有所聞賊風少息鄉民賴以安堵此縣屬團部經過之大略也